



Cov niam txiv uas muaj cov kev cia siab

Pab koj tus me nyuam mus kawm nrog cov kev qhia tom qab lub caij kawm ntawv thiab thaum ntuj so

(Help Your Child Learn with After-school and Summer Programs - Hmong)

Qhov cov me nyuam siv lawv lub sij hawm rau thaum tsis kawm ntawv li cas yuav pab tau lawv rab peev xwm kawm nyob hauv tsev kawm ntawv. Koj muaj cuab kav xaiv txoj kev kawm tom qab lub caij kawm ntawv los yog thaum caij ntuj so uas yuav pab tau koj tus me nyuam heev thiab haum rau koj tsev neeg. Koj muaj cuab kav muab tau qhov koj xaiv rau txhua leej txhua tus thaum koj paub zoo tias cov kev kawm no zoo heev, yuav pab tau cov me nyuam li cas, thiab yam dab tsi ua rau cov kev kawm no zoo txaus.

Txoj kev kawm tom qab lub caij kawm ntawv muaj cuab kav pab tau koj tus me nyuam yog tias txoj kev kawm no muaj:

- Cov ua hauj lwm uas muaj lub siab loj siab dav, thiab cog tau phooj ywg zoo nrog cov me nyuam thiab cov niam txiv.
- Koj tus me nyuam yeej paub tias yuav kawm dab tsi thiab muaj kev kab ntsab thaum lawv mus kawm.
- Txoj kev qhia no txhawb thiab hais kom cov me nyuam coj tau zoo.
- Txoj kev qhia no muaj kev saib xyuas zoo thiab meej pem thiab muaj tus qauv coj tau cov me nyuam ua pab ua pawg.
- Cov ua hauj lwm tsim tau cov kev kawm ua uas cov me nyuam nyiam thiab lom zem nrog.
- Cov ua hauj lwm muab tau qhov lawv qhia los txuas tau rau qee yam ntawm lub neej, tsis hais yuav yog lawv cov txuj los yog cov cwj pwm coj lawv txhawb tau.
- Txoj kev kawm no muab tau cov kev kawm koj tus me nyuam muaj cuab kav koom tau mus ntev: koom tau ntev npaum li cas ces yuav tau txais Txiaj ntsig ntau npaum li ntawd.
- Txoj kev kawm no muaj cov hom phiaj kawm, xws li mloog thaum koom kawm ua ke, txhawb kom txawj tuav moj pob los yog kawm lej sib tov (multiplication).
- Txoj kev kawm no tsim muaj kev koom tes zoo nrog tsev neeg, tsev kawm ntawv, thiab zej zog.

Yog koj nyiam li koj pom, koj thiaj muaj kev tso siab tias txoj kev kawm no yuav pab nws ntxiv nyob hauv tsev kawm ntawv. Kev tshawb fawb qhia tias cov me nyuam uas kawm tau cov cwj pwm zoo nyob hauv txoj kev kawm tom qab lub caij kawm ntawv lawm yeej muaj tus yam ntxwv thiab mob siab ntso rau txoj kev kawm ntawv. Cov me nyuam yuav coj cov yam ntxwv thiab cov cwj pwm coj zoo no mus siv rau cov kev kawm nyob hauv chav kawm tib si.

Cov txiaj ntsig koj tus me nyuam tau txais thaum nws mus kawm nyob hauv txoj kev kawm tom qab lub caij kawm ntawv los yog thaum caij ntuj so yuav yog:

Ntawv kawm (Academic)

- Kawm tau ntawv thiab twv tau ntawv zoo
- Kawm tau zoo mus thiab ua tiav tej ntawv nqa los ua hauv tsev

- Muaj tus cwj pwm coj zoo thiab kawm tiav mus
- Nyiam txoj kev kawm, nyiam tsev kawm ntawv thiab muaj kev npaj mus rau yav tom ntej

Txawj coj thiab txawj xav (social and emotional)

- Muaj kev ntseeg siab ntxiv, zoo siab rau tus kheej, thiab ntseeg qhov muaj rab peev xwm
- Muaj kev txhawj thiab lwj siab tsis ntau
- Muaj kev cog tau phooj ywg zoo nrog cov luaj li nws, tsev neeg, thiab cov kws qhia ntawv

Noj qab nyob zoo (Health and wellness)

- Paub zoo txog kev noj qab hauv huv thiab zaub mov noj
- Txawj xaiv zaub mov, ua kom lub cev muaj zog, lub cev khov kho, thiab tsis muaj mob nkeeg

Txhawb txoj kev kawm ntau ntxiv (Reinforcing learning)

Cov kev kawm uas muaj nyob tom qab hnuv tsis kawm ntawv muab tau lub caij rau koj tus me nyuam mus koom nrog txoj kev lom zem thiab cov dej num nyiam ua thiab txoj kev kawm ua nrog kom muaj cov txuj thiab paub ntau ntxiv. Cov kev kawm li no muaj cuab kav qhia tau cov lus qhia txawv los txhawb tau qhov tau kawm nyob hauv tsev kawm ntawv lawm. Tej zaum koj tus me nyuam tseem yuav pom tias yuav siv tau tej cov txuj thiab kev paub nyob hauv lub ntiaj teb txawv mus li cas thiab yuav paub ntau yam uas nws yuav tsis tau pom nyob hauv tsev kawm ntawv.

Txawm yog txoj kev kawm ntawd yuav tsis yog qhia ntawv los, koj tus me nyuam muaj cuab kav kawm tau tus yam ntxwv thiab cov cwj pwm coj uas yuav pab tau nws txoj kev kawm nyob hauv tsev kawm ntawv. Nws yuav kawm tau tias nws yuav:

- Rub lub siab ntev kawm tej ntawv tsis yooj yim kawm
- Tuav tau lub caij nyoog
- Cia siab rau tus kheej rab peem xwm
- Txuas lus nrog cov laus

Tag nrho cov cwj pwm coj thiab cov txuj hais los no puav leej yog feem tseem ceeb rau txoj kev kawm kom tau ntawv zoo nyob hauv tsev kawm ntawv tib si.

Muaj lub neg?.....

Koj puas muaj lus nug txog qhov muaj kev cia siab? Koj hu tau rau Ntaub Xyooj nyob hauv koom haum PACER Center, tus xov tooj yog (952) 838-9000.

Koom haum PACER Center yog ib lub koom haum pab dawb nyob hauv xeev Minnesota. Lub koom haum no txhawb cov me nyuam muaj thiab tsis mauj qhov tsis taus cov cai mus kawm ntawv. Koom haum PACER muab kev tham qhia, pab tswv yim rau ib tsev neeg twg, sau tej ntaub ntawv sau tawm, thiab ntau yam ntxiv.